

voulut ieufner toute la sepmaine Sainte, ie ne le pouois quasi contenter, tant il auoit desir que ie l'entre-tinffe des choses de son salut : En fin il fut fait chrestien, & nommé Pierre Ateïachias, & le iour d'apres son baptesme, il communia avec de grands reffentiments [136] de ces augustes mysteres. Comme ie luy eu parlé des œuures de misericorde, il se mit en deuoir de les pratiquer; si bien qu'il donnoit à quelques pauvres le poisson mesme qu'on destinoit pour le difner de nos Seminaristes, & l'en ayant repris; ne m'aez-vous pas dit, faisoit-il, que c'estoit bien fait d'estre charitable; ne vous ay-ie pas veu vous mesmes faire de semblables aumosnes, pourquoy donc ne feray-ie point ce qu'on m'enseigne? Il prenoit par fois vne hache, & s'en alloit couper du bois de chauffage pour quelques personnes necessiteufes, il secouroit tous ceux qu'il pouoit, & avec vne telle demonstration d'amour, que tout le monde l'aimoit.

Depuis son baptesme, il affistoit tous les iour à la saincte Messe, recitoit deux fois le iour son chappelet, visitoit souuent le S. Sacrement de l'Autel: bref, il estoit dans de grandes resolutions d'estre à iamais fidelle à nostre Seigneur quand il nous fut rauy, par vn miserable accidēt, selon les hōmes, & peut-estre par vn trait d'vn grād amour, & d'vne douce prouidence selon Dieu. Se disposant pour s'en aller en son pays, & choisir ceux qu'il iugeroit propres pour amener au Seminaire, vn coup de vent [137] renuerfa son canot, dans lequel il estoit avec vn ieune Algonquin: Celuy-cy se sauua à la nage, quittant aisément sa robe qu'il portoit volante à la façon des Sauvages, mais nostre pauvre Neophyte estant vestu à la françoise, ne pût resister à la tempeste, si bien qu'il fut